

**NEZAVISNI STRUKOVNI SINDIKAT RADNIKA ZAPOSLENIH U ZDRAVSTVU U
FEDERACIJI BIH
KANTONALNO PREDSEDNIŠTVO ZENIČKO-DOBOJSKOG KANTONA**
Ul. Fra Ivana Jukića br.1. Zenica

Broj: 25/2017
Zenica.26.09.2017.

MINISTARSTVO RADA I SOCIJALNE POLITIKE FEDERACIJE BIH
N/r Ministar : Gosp. Vesko Drljača

**Predmet: Zahtjev za tumačenje odredbi Zakona o radu FBiH po pitanju kolektivnih ugovora
i postupka kolektivnog pregovaranja**

Poštovani,

Obraćamo Vam se ispred reprezentativnog strukovnog sindikata radnika zaposlenih u zdravstvu Federaciji BiH- Kantonalno predsjedništvo Zeničko-dobojskog kantona, vezano za potrebu tumačenja odredbi Zakona o radu FBiH broj: 26/16.

Vlada Zeničko-dobojskog kantona i resorno kantonalno ministarstvo Zeničko-dobojskog kantona s jedne strane i Nezavisni strukovni sindikat zaposlenih u zdravstvu Federacije BiH-Kantonalno predsjedništvo Zeničko-dobojskog kantona dana 26.04.2017. godine usaglasili su Odluku o početku primjene Kolektivnog ugovora o pravima i obavezama poslodavaca i uposlenika u oblasti zdravstva na teritoriji Federacije Bosne i Hercegovine a koja je objavljena u Sl.novinama Zeničko-dobojskog kantona broj 6. od 12.05.2017.

U međuvremenu je novoformirani Samostalni strukovni sindikat doktora medicine i stomatologije Zeničko-dobojskog kantona, čija je reprezentativnost upitna zbog malog broja članova i nekvalifikovane djelatnosti, sa Vladom Zeničko-dobojskog kantona i resornim ministarstvom zdravlja ispregovarao novi Kolektivni ugovor samo za svoje članove a kojim se plaće, samo jednoj kategoriji zaposlenih (doktori i stomatolozi), povećavaju za cca 30 % , zanemarujući sve ostale zaposlene. Napominjemo da ovaj Kolektivni ugovor još nije potpisan.

Pored toga zanemarena je i činjenica da je veliki broj doktora i stomatologa sa područja Zeničko-dobojskog kantona u članstvu našeg sindikata.

Imajući u vidu da kao reprezentativni sindikat sa mnogo više članova nismo bili uključeni u proces pregovaranja niti smo bili upoznati od strana u pregovorima, na šta smo iste i upozorili, a što je bila dužnost u skladu sa odredbama Zakona o radu, obraćamo Vam se sa zahtjevom za urgentno tumačenje odredbi Zakona o radu po ovom pitanju, tj da li su navedene strane u procesu pregovaranja mogle isključiti mnogobrojniji reprezentativni sindikat koji je potpisnik Kolektivnog ugovora na nivou Zeničko-dobojskog kantona a koji se odnosi na sve uposlene u zdravstvu Zeničko-dobojskog kantona.

S poštovanjem,



PREDSJEDNIK

Prim.mr.sci.med.dr.Esad Hasaničević